

Broj: 02-373-15/26

Datum: 03.04.2026. godine

Na osnovu člana 64. stav 1. tačka b), člana 70. stavovi 1., 3. i 6., člana 72. stav 3. tačka a) Zakona o javnim nabavkama (Sl. Glasnik BiH broj: 39/14, 59/22 i 50/24) u postupku javne nabavke roba: **Prehrambeni artikli za korisnike Ustanove, JN-5/26**, direktor Ustanove za socijalno zbrinjavanje, odgoj i obrazovanje - Sarajevo, donio je:

ODLUKU

o dodjeli ugovora drugorangiranom ponuđaču za LOT 5

Član 1.

Okvirni sporazum za javnu nabavku roba: **Prehrambeni artikli za korisnike Ustanove, JN-5/26, za LOT 5 – Sokovi i voda**, dodjeljuje se ponuđaču **MAX TRGOVINE d.o.o. Zenica**, ponuda dostavljena dana 25.02.2026. godine, sa konačnom cijenom ponude nakon provedene E-aukcije u iznosu od 4.100,00 KM bez uračunatog PDV-a, odnosno 4.797,00 KM sa uračunatim PDV-om, kao drugorangiranom ponuđaču.

Član 2.

Prijedlog Okvirnog sporazuma dostavit će se na potpis izabranom ponuđaču nakon isteka roka od 15 (petnaest) dana, računajući od dana prijema odluke o dodjeli ugovora drugorangiranom ponuđaču.

Član 3.

Ova Odluka objaviće se na internet stranici Ustanove za socijalno zbrinjavanje, odgoj i obrazovanje – Sarajevo (www.ustanovahum.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 2 i 6. i članom 71. stav 2. Zakona o javnim nabavkama („Službeni glasnik BiH“ broj 39/14 i 59/22, 50/24).

Obrazloženje

Ugovorni organ je proveo postupak nabavke putem otvorenog postupka nabavke roba – Prehrambeni artikli za korisnike Ustanove, JN-5/26, te donio Odluku o izboru najpovoljnijeg ponuđača, broj: 02-373-9/26 od 17.03.2026. godine.

Prvorangiranom ponuđaču PENNY PLUS d.o.o. Sarajevo, dostavljena je Odluka o izboru najpovoljnijeg ponuđača broj: 02-373-9/26 od 17.03.2026. godine i Obavještenje o rezultatima postupka javne nabavke broj: 02-373-10/26 od 17.03.2026. godine. U skladu sa članom 5. predmetne odluke, ponuđač PENNY PLUS d.o.o. Sarajevo bio je u obavezi dostave originala ili ovjerenih kopija dokumentacije iz člana 45. Zakona o javnim nabavkama Ugovornom organu u roku od 10 (deset) dana od dana prijema odluke. Prvorangirani ponuđač PENNY PLUS d.o.o. Sarajevo, do određenog krajnjeg roka za dostavu dokumentacije iz člana 45. Zakona o javnim nabavkama, istu nije dostavio.

U skladu sa članom 72. stav 3. tačka a) Zakona o javnim nabavkama (Sl. Glasnik BiH broj: 39/14, 59/22 i 50/24), Ugovorni organ dostavlja prijedlog ugovora onom ponuđaču čija je ponuda po rang – listi (Izvještaj o toku i završetku E-aukcije), odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. Zakona o javnim nabavkama, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

Iz navedenih razloga, a primjenom člana 72. stav 3. tačka a) Zakona o javnim nabavkama (Sl. Glasnik BiH broj: 39/14, 59/22 i 50/24), odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Ustanova za socijalno zbrinjavanje, odgoj i obrazovanje – Sarajevo, Humska 81, 71000 Sarajevo. Žalba se podnosi u najmanje 3 (tri) primjerka.

PRIPREMILO
Denis Šahbegović, BA poslovne ekonomije
Služenik za javne nabavke



Dostaviti:

- LALA I LAĆO d.o.o. Bijeljina, j.nabavke@lalailaco.com;
- MAX TRGOVINE d.o.o. Zenica, nino@maxtrgovine.ba; direkcija@maxtrgovine.ba;
- PENNY PLUS d.o.o. Sarajevo, prodaja@pennyplus.com;
- GOLD MIGNON d.o.o. Sarajevo, goldmignon97@gmail.com;
- VINOJUG d.o.o. Sarajevo, vinojug@lol.ba
- Služba za pravne, administrativne i pomoćno-tehničke poslove
- a/a

*Ustanova za socijalno zbrinjavanje, odgoj i obrazovanje – Sarajevo, Humska 81.
tel. 033 726 320 fax. 033 654 895 e-mail: info@ustanovahum.ba www.ustanovahum.ba*